

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

Vorrede.

urn:nbn:de:bsz:31-62174

Der Prophet III. Cap.

Emen zufliehen auff's Meer/ Denn ich weiß/ das du Gnedig/ Barmhertzig/ Lange C
mütig vnd von grosser Güte bist/ vnd läßt dich des vbel's reuen. So nim doch nuh
HERR meine Seele von mir/ Denn ich wolt lieber tod sein denn leben. Aber der
HERR sprach/ Meinstu/ das du billich zürnest?

Vnd Zona gieng zur Statt hinaus/ vnd sazte sich gegen Morgen werds der
Statt/ vnd macht im daselbs eine Hütten/ da sazt er sich vnter/ in den schatten/
Bis er sehe/ was der Statt widerfahren würde.

Gott der HERR aber verschafft einen Kürbiß/ der wuchs ober Zona/ das er
schatten gab ober sein Häubt/ vnd errettet ihn von seinem vbel/ vnd Zona freuet sich
sehr ober dem Kürbiß. Aber der HERR verschafft einen Wurm/ des morgens/ da
die Morgenröte anbrach/ der stach den Kürbiß/ das er verdorrete. Als aber die
Sonne auffgegangen war/ verschafft Gott ein durren Ostwind/ vnd die Sonne
stach Zona auff den Kopff/ das er matt ward. Da wündschet er seiner Seelen den
tod/ vnd sprach/ Ich wolt lieber tod sein denn leben.

Da sprach Gott zu Zona/ Meinst du/ das du billich zürnest vmb den Kürbiß?
Vnd er sprach/ Billich zürne ich/ bis an den tod. Vnd der HERR sprach/ Dich ja-
mert des Kürbis/ daran du nicht gearbeitet hast/ hast ihn auch nicht auffgezogen/
welcher in einer nacht ward/ vnd in einer nacht verdarb. Vnd Mich solt nicht ja-
mern Neneue solcher grossen Statt/ In welcher sind mehr denn hundert vnd zwen-
zig tausent Menschen/ die nicht wissen vnterscheid/ was recht oder linck ist/ Dazu
auch viel Thiere.

Ende des Propheten Zona.

Vorrede auff den Prophe- ten Micha.

D



Micha nennet die
Statt/ da Christus
geborn sol werden.

Er Prophet Micha ist gewesen zur zeit
Jesaia/ Er führet auch desselbigen Propheten
wort/ so im ij. Capittel stehen. Das man wol spüret/ wie
die Propheten/ so zu einer zeit gelebt/ von Christo schier
einerley wort gepredigt haben/ als hetten sie in einander
dauon berathschlagt.

Es ist aber der feinen Propheten einer/ der das Volk
vmb ihrer Abgötterey willen hefftiglich strafft/ vnd den
künfftigen Christum/ vnd sein Reich/ imerdar anzeucht.
Vnd ist für allen/ in dem stück/ ein sonderlicher Prophet/
Das er Bethlehem die Statt/ so gewiß deutet vnd nen-
net/ da Christus geborn solt werden. Daher er auch/ im al-
ten Testament/ hoch berhümet gewesen ist/ wie das Mat-

theus am ij. Capittel wol aufweist.

Semma/ Er schilt/ er weissaget/ prediget/ etc. Aber endlich ist das seine meinung/ Wenn
es gleich alles muß zu drümmern gehen/ Israel vnd Juda/ So wird doch der Christus
komen/ ders alles gut machen wird. Gleich wie wir jet müssen straffen/ schelten/ trösten/
vnd predigen/ etc. vnd darauff sagen/ Wenn es denn alles verloren ist/ So wird doch Christus am
Jüngsten tage komen/ vnd vns von allem vnglück helfen.

Er ist im j. Cap. schwer/ Das macht die Ebreische Grammatica/ vnd braucht viel allusiones/
Als Jaenan für Schaenan/ vnd Achsib vnd Maresa/ etc. Welche wort er zeucht auff böse deus-
tung/ vnd verkeret sie. Als wenn ich spreche/ Roma/ Du solt ein Raum werden/ vnd wol auß-
gereumt. Wittenberg/ Du solt ein weiter Berg werden/ etc. Das werden die
Grammatici wol mercken/ vnd vnsern vleiß spüren.

Der



Die HERR wird
auff die Höben im
sein werden/ Gleich/ w
wird's fließen. Das
willen des hauses J
Welchs ist aber d
aber die Höben Judo
hoffen im selde ma
Zahl schleiffen/ vnd
Hurnlohn sol mit
se sind von Hurnlo
Drüber muß i
Ich muß klag
Nage ist kein rath